



SEBAHAGIAN Palapes Laut Universiti Malaysia PAhang (UMP) bergotong-royong mengecat Surau Haji Jaafar semasa majlis penyampaian sumbangan kepada mangsa banjir di Kampung Galing Besar, Kuantan, baru-baru ini.

## 75 penuntut UMP cat Surau Haji Jaafar

(umc hello kampus) 16/01/13

mb : 26

KUANTAN 15 Jan. - Seramai 75 penuntut dan kakitangan Universiti Malaysia PAhang (UMP) bergotong-royong membersihkan dan mengecat Surau Haji Jaafar di Kampung Galing Besar di sini yang terjejas teruk akibat banjir baru-baru ini.

Menurut Yang Dipertua Majlis Perwakilan Pelajar (MPP) UMP, Abdul Na' em Suhaimi, 22, walaupun sibuk mengulang kaji pelajaran dalam menghadapi peperiksaan akhir semester, langsung tidak melunturkan semangat mereka untuk berkhidmat sebagai sukarelawan.

"Sebelum ini para penuntut UMP turun padang membantu membersihkan Sekolah Kebangsa-

an (SK) Galing yang dijadikan pusat penempatan mangsa banjir serta membersihkan rumah mangsa di Kampung Tengah dan kali ini kami membantu penduduk kampung ini.

"Lebih menyeronokkan program ini turut disertai keluarga besar UMP iaitu melibatkan kakitangan dan penuntut antarabangsa yang membantu mengagihkan barang keperluan dapur yang disumbangkan Persatuan Wanita UMP (Matahari) dan Badan Kebajikan dan Sukan Staf UMP (BKSS)," katanya.

Majlis tersebut dirasmikan oleh Menteri Pengajian Tinggi, Datuk Seri Mohamed Khaled Nordin yang

berkesempatan mengecat surau bersama penuntut dan menyampaikan sumbangan kepada mangsa banjir.

Yang turut hadir, Pengurus Jawatankuasa Belia, Sukan dan Kebudayaan negeri, Datuk Wan Adnan Wan Mamat; Ahli Dewan Undangan Negeri (ADUN) Teruntum, Datuk Chang Hong Seong dan Pemangku Naib Canselor UMP, Prof. Datuk Dr. Rosli Mohd. Yunus.

Sementara itu, penuntut Fakulti Kejuruteraan Kimia dan Sumber Asli (FKKSA), Nor Adilah Othman bangga kerana dapat sama-sama memberi sumbangan bagi membantu masyarakat yang memerlukan bantuan.